

Nalunaarutip nr. 233/2015-ip taarsernissaanut missingiut Immikkoortoq I

Angallatini inuussutissarsiutaasuni minnerni 12-inik ilaasoqartartuni inuttat pillugit aalajangersaaneq pillugu nalunaarut

Umiarsuarni inuttat pillugit inatsimmi § 4, imm. 2, § 18, imm. 2, aamma § 27, imm. 3, tak. inatsimmut nalunaarut nr. 74, 17. januar 2014-imeersoq, aamma umiarsuarni inuttat pillugit inatsisip Kalaallit Nunaanni atuutilersinneqarnissaa pillugu peqqussummi nr. 608, 25. juni 2001-im § 4, imm. 2, § 18, imm. 2, aamma § 27, imm. 2 malillugit, aalajangersarneqarpoq:

Kapitali 1 *Atuuffia il. il.*

§ 1. Nalunaarummi angallatini inuussutissarsiutaasuni inuttat aalajangersarneqarput, tassunga ilaatillugit angallatit qisummik qangatut sananeqarsimasut aamma angallatit maskiinaqaratik ingerlasartut, kiisalu aalisariutitut angallatit, Kalaallit Nunaanni angerlarsimaffeqartut, inuussutissarsiutigalugu suliffeqarfeqarnermut atatillugu nunagisap imartaani ilaasunik 12-inik angallassinermut atorneqartartut, tassani aamma ilisimasortat ilaallutik aamma

- 1) 15 meterit ataallugu takissusillit,
- 2) angallatinut 100 ataallugit annertussutsip uuttuutaanut kisitsisillit, aamma
- 3) 750 kW ataallugu siumut ingerlatinneqartartut.

Kapitali 2 *Angallatit 20-nik sinnerlugilluunniit annertussutsip uuttuutaanut kisitsisillit aamma imaluunniit 100 kW-imik sinnerlugilluunniit siumut ingerlatinneqartartut*

§ 2. Angallatit 20-nik sinnerlugilluunniit annertussutsip uuttuutaanut kisitsisilinnut aamma imaluunniit 100 kW-inik sinnerlugilluunniit siumut ingerlatinneqartartunut inuttat minnerpaamik marluussapput, tassaasut angallatip naalagaa ataaseq aamma inuttaq ataaseq.

Imm. 2. Angallatit arlallit umiartornertik ataqatigiissarpassuk, taamaalillutik erniinnartumik pisariaqartinneqartumik imminnut ikiorsinnaallutik, angallatini ataasiakkaani ataasiinnarmik inuttaqarsinnaapput.

§ 3. Angallatip naalagaa aamma inuttaa, tamarmik 18-ileereersimassapput, nasissinnaassallutik aamma umiarsuarni Danmarkimi angerlarsimaffeqartunut atuuttumik peqqissutsimut uppersaateqassallutik. Umiarsuarnut Kalaallit Nunaanni angerlarsimaffeqartunut peqqissutsimut uppersaateqarnissamik piumasaqaat atuutinngilaq.

Imm. 2. Angallatip naalagaa imm. 1-imut ilassutitut, angallat pineqartoq pillugu ilisimasaqarluassaaq aamma angallammik umiartornermut misilittagaqarluassalluni aamma tulluuttunik piginnaasaqassalluni,

- 1) Minnerpaamik, umiarsuarnut niuffagiutitut atuuttumik umiartorsinnaanermut allagartaqassaaq. Umiarsuarnut aalisariutitut Kalaallit Nunaanni angerlarsimaffeqartunut umiarsuarni aalisariutini minnerpaamik bedstemanditut uppersaateqarneq.

- 2) Radiolerisutut (radiooperatør) atuuttumik GMDSS-imik akuersissuteqarneq angallatip radioanut atortuinit naleqquttuussaaq.
- 3) Nappaatinik suliarinnissinnaasutut atuuttumik uppersaateqarneq, ukununga naleqquttunik,
 - a) angallammiittumi nakorsaataasivimmut, imaluunniit
 - b) angallatinut, nakorsaataasiveqarnissamut piumasaqaatitaqanngitsunut, Dansk Førstehjælpsrådip angallatini minnerni aamma imaani timersornermut atatillugu imaluunniit assingusunut ikiueqqaarnermut pikkorissartitsinera¹ naapertorlugu.
 - c) Kalaallit Nunaanni angallatinut, Kalaallit Rødekorsiaata issittumi ikiueqqaarnermut pikkorissaaneq, imaluunniit assingusoq².

Imm. 3. Inuttaq imm. 1-imut ilassutitut, ima suliaqarsinnaalersillugu ilitserorneqarsimassaaq aamma ima suliaqarsinnaassaaq:

- 1) Angallammik aqutsisinnaassaaq.
- 2) Angallatip radiomut atortuinik atuisinnaassaaq.
- 3) Angallatip annanniutaanik qatserutaanillu atuisinnaassaaq aamma isumaginnissinnaassalluni.
- 4) Ilaasut isumagineqarneqarnerannut ikiuussinnaassaaq.

Imm. 4. Imm. 2, nr. 1-imi umiarsuarnik niuffagiutinik umiartorsinnaanermut allagartat atuuttut piumasaqaataasut, killilimmik pisinnaatitaaffeqartitsisumik imaani inuussutissarsiuteqarnermut uppersaammik taarserneqarsinnaapput, Søfartsstyrelsenimit akuersissutaasimasumik umiarsuarnut niuffagiutinut imaluunniit umiarsuarnut aalisariutinut teoritiskiusumik umiartorsinnaanermut misilitsinnermik angusisimanermut allagartamik uppersaatit tunuliaqutaralugit, aamma,

- 1) angallatini assingusuni minnerpaamik qaammata pingasuni umiartorsimanermut misilittagaqarneq, aamma angallammi ikuallattoqarpat innermik qamitsinermut atortussat pillugit naammassillugu ilitserorneqarsimaneq aamma imarsiornermut tunngasumik ilinniartimmi imaluunniit imarsiornermut tunngasunik atuarfimmi allami, imarsiornermut ilinniartinnut il. il. akuersineq aamma pitsaassutsumik qulakkeerinninneq pillugu nalunaarummi akuerineqarsimasumik, imarsiornermi ilinniartinni tunngaviusumik immami isumannaallisaaneq pillugu pikkorissarsimaneq, imaluunniit
- 2) Søfartsstyrelsenimit akuerisaasup inuup eqqaani angallammiitilluni, angallammik annertuumik aqutsineq motoorimillu ingerlatsisinnaanermik misilitsilluni angusisimaneq, angallammi ikuallattoqarpat innermik qamitsinermut atortussat pillugit naammassillugu ilitserorneqarsimaneq, aamma imarsiornermut tunngasumik ilinniartimmi imaluunniit imarsiornermut tunngasunik atuarfimmi allami, imarsiornermut ilinniartinnut il. il. akuersineq aamma pitsaassutsumik qulakkeerinninneq pillugu nalunaarummi akuerineqarsimasumik, imarsiornermi ilinniartinni tunngaviusumik imaani isumannaallisaaneq pillugu pikkorissarsimaneq.

Imm. 5. Imm. 4-mi tunngaviusumik immami isumannaallisaaneq pillugu pikkorissarneq Kalaallit Nunaanni imarsiornermik ilinniartimmi aamma naammassillugu ilinniarneqarsinnaavoq, Kalaallit Nunaata aamma Danmarkip akornanni imarsiornermik ilinniarnert pillugit suleqatigiinnermut isumaqatigiissutaanni qaqugukkulluunniit atuuttoq naapertorlugu ilinniartfik Søfartsstyrelsenip pitsaassutsumut piumasaqaataanik piviusunngortitsisussatut ilaappat.

Imm. 6. Tissiartaatinik umiartorsinnaanermut misilitsinnermik angusisimanermik allagartamik uppersaat imm. 4-mi taaneqartoq, yachtini angallatip naalagaatut 3. gradimik qaffasinnerusumilluunniit soraarummeernermik angusisimanermik taarserneqarsinnaavoq.

Imm. 7. Angallatini 100 kW-inik sinnerlugilluunniit siumut, kisiannili 750 kW ataallugu ingerlatinneqartartuni, inuttat ilaat motoorinik paarsisinnaanermut atuuttumik allagartaqassaaq imaluunniit uppersaateqassalluni, taanna angallatip motoorianut(-riinut) isumannaallisaanermut,

¹ Dansk Førstehjælpsrådip nittartagaani allaaserinninneq nassaarineqarsinnaavoq.

² Beskrivelsen kan findes på hjemmesiden for Kalaallit Røde Korsiat

aserfallatsaaliinermut ingerlatsisinnaanermullu naammassinnilluni assingusumik
pikkorissartinneqarsimasoq aamma sungiusarneqarsimasoq.

Imm. 8. Inuttat allat, § 2, imm. 1 malillugu aalajangersarneqarsimasut, tulluuttut
piviusunngortissimassavaat:

- 1) 18-ileereersimassapput.
- 2) Atuuttumik peqqissutsimut uppersaateqassapput.
- 3) Angallatip annanniutaanik aamma ikuallattoqarpat innermik qamitsinermut atortussaanik
atuisinnaanermut passussisinnaanermullu ilitersorneqarsimassapput taakkuninngalu
atuisinnaassallutik.
- 4) Ilaasumik isumaginnissinnaanermut ilitersorneqarsimassapput aamma ilaasut
isumagineqarnerannut ikuisinnaassuseqassallutik.

§ 4. Søvartsstyrelsenip inuit suliassat pillugit misilitsinnissaannik akuerisinnaavai, tak. § 3, imm. 4, nr. 2.

Imm. 2. Akuersissut inunnut imaattunut tunniunneqarsinnaavoq

- 1) aquttutut ilinniagarsimasunut, ataatsimut isigalugu sulinermut misilitsinnermit qaffasinnerusumik
pitsaassutsimik qaffasissulimmik,
- 2) ilinniagaqarnerit pillugit naleqquttumik misilittagaqartunut,
- 3) suliassamut ataatsimut arlalinnulluunniit peqataasimasunut,
- 4) pineqartoq misilitsinnernut suliassanik suliqarsinnaasutut piginnaasaqarluni Søvartsstyrelsenimut
takutitsisimasunut, aamma
- 5) atuuttumik akisussaatinneqarnissamut sillimmatilinnut, imaani suliassanik misilitsitsinernut
peqataanissanut matussusiisumik.

Imm. 3. Inuit, suliassanik misilitsitsinernik suliqartartut, misilitsitsinernik ingerlataqarnermut
najoqqutassanik Søvartsstyrelsenip atortussanngortissimasaannik malinnissapput, aamma minnerpaamik
ukiumi ataatsimi misilitsinnernut ingerlanneqarsimasunut uppersaatinik toqqortarinnissapput, taakku
qinnuigineqarnermi Søvartsstyrelsenimut tunniunneqartussaapput.

Kapitali 3

*Angallatit 20-t ataallugit annertussutsip uuttuutaanut kisitsisillit aamma
100 kW-it ataallugit siumut ingerlatinneqartartut*

§ 5. Angallatit 20-t ataallugit annertussutsip uuttuutaanut kisitsisillit ima inuttalernerqassapput,
umiartornermi suliassat aamma suliassat isumannaallisaanikkut aamma peqqissutsikkut
illersorneqarsinnaasumik ingerlanneqarsinnaalertillugit aamma minnerpaamik inuttaq angallammut
naalagaassaaq.

Imm. 2. Angallatip naalagaa 18-ileereersimassaaq, angallammut pineqartumut annertuumik aamma
pisariaqartinneqartumik umiartornermut misilittagaqassalluni, aamma:

- 1) Makkua pillugit pisariaqartumik ilisimasaqarfigissavai
 - a) imaani aqutitut malittarisassat,
 - b) umiartorfimmi naleqquttumi umiarsuarmik aqutsisinnaaneq,
 - c) ikuallattoornissamik pitsaaliuineq aamma ikuallattoqarpat innermik qamitsinermut
atortussaanik atuisinnaaneq,
 - d) annanniutit aamma taakkua atorsinnaaneri,
 - e) angallatit orrajaassusaat,
 - f) imaani isumannaallisaaneq,
 - g) immap avatangiisaanik illersuineq aamma
 - h) angallatit minnerit maskiinai
- 2) Radiolerisutut GMDSS-imik allagartaqassaaq atuuttumik, angallammi atortunut naleqquttumik.
- 3) Nappaatinik katsorsaasinnaasutut uppersaateqassaaq atuuttumik, ukununga tulluuttumik
 - a) angallammi nakorsaataasivimmut, imaluunniit

b) angallatinut, nakorsaataasiveqarnissaanut piumasagaatitaqanngitsunut, Dansk Førstehjælpsrådip angallatini minnerni aamma imaani timersornermut atatillugu imaluunniit assingusunut ikiueqqaarnermut pikkorissartitsinera³ naapertorlugu.

c) Kalaallit Nunaanni angallatinut, Kalaallit Rødekorsiata issittumi ikiueqqaarnermut pikkorissaaneq, imaluunniit assingusoq⁴.

Imm. 3. Angallatip naalagaata saniatigut 18-ileereersimasunik inuttaqassaaq aamma taakkua angallatip annaanniutaanut aamma angallammi ikualattoqarpat innermik qamitsinermut atortussat isumaginissaannut ilitsersorneqarsimasapput, kiisalu angallammik aqutsisinnaanermut ilitsersorneqarsimassallutik.

Kapitali 4

Angallatit inuuniutigalugu umiartornermut ilinniarfittut atorpeqartartut

§ 6. Angallatit, inummut ataatsimut arlalinnuunniit angallammiillutik angallatip pineqartup assingatut ittumik umiartorsinnaanermut misilitsinneqarnissami angusinissaq siunertaralugu inuuniutigalugu umiartornermut ilinniarfittut atorpeqartartut, inuttaqassapput umiartornermi aamma suliaassanik, isumannaallisaanikkut peqqissutsikkullu illersorneqarsinnaasumik tamanik ingerlatsisinnaasunik.

Imm. 2. Angallat minnerpaamik angallatip naalagaanik ilinniarsimasumik inuttalerneqassaaq, taanna ilinniartitsinermi pineqartut pillugit piginnaasaqassaaq aamma piukkunnaateqassalluni.

Imm. 3. Sammisassamik aallarniisutut akisussaasuusoq, umiarsuaatilittut allassimasumik isumannaallisaanermut ilitsersuummik suliaqartoqarnissaanut akisussaasuvoq, angallatini minnerni 12-inik ilaasoqartartuni inuttat pillugit nalunaarut atuuttoq malillugu.

Kapitali 5

Pillaaneq aamma atortussanngortitsineq

§ 7. Inuk §§-inik 2-3-nik, § 4 imm. 3-mik aamma §§-inik 5-6-inik unioqqutitsisoq akiligassinneqarluni pillarneqassaaq.

Imm. 2. Ingerlatseqatigiiffiit il. il. (inatsisitigut pisinnaatitaasut pisussaataitaasullu) Kalaallit Nunaanni pinerluttulerinermi inatsimmi kapitali 5-imi malittarisassat malillugit pillaaneq pillugu akisussaatinneqarsinnaapput.

§ 8. Pisoq umiarsuarni inuttat pillugit inatsisip Kalaallit Nunaanni atuutilersinneqarnissaa pillugu peqqussummi ilaatinneqarpat, Kalaallit Nunaanni pinerluttulerinermut inatsit malillugu pineqaatissiisoqarsinnaavoq.

Imm. 2. Ingerlatseqatigiiffiit il. il. (inatsisitigut pisinnaatitaasut pisussaataitaasullu) unioqqutitsisimappata, inatsisitigut pisinnaatitaasut pisussaataitaasullu akiligassinneqarlutik akisussaatinneqarsinnaapput. Nalagaaffik, Namminersorlutik Oqartussat, kommuni, kommunalbestyrelsi aamma nunaqarfinni aqutsisut unioqqutitsisimappat/-pata, pisortat oqartussa qarfiat pineqartoq akiligassinneqarluni akisussaatinneqarsinnaavoq.

Imm. 3. Pineqartoq Kalaallit Nunaanni najugaqanngippat imaluunniit pineqartoq inuiaqatigiinnut kalaallinut atassuteqarnera annikitsuinnaappat, Kalaallillu Nunaanni pinerluttulerinermi inatsimmi pineqaatissiisutissat atornissaannut tunngavissaqanngippat, suliaq Danmarkimi suliaassanngortinneqarsinnaavoq imaluunniit malersugassanngortinneqarnissaa innersuussutigineqarsinnaalluni, tak. Kalaallit Nunaanni pinerluttulerinermi inatsimmi § 7.

§ 9. Nalunaarut atuutilissaaq ulloq 1. april 2026.

³Dansk Førstehjælpsrådip nittartagaani allaaserinninneq nassaarineqarsinnaavoq.

⁴ Kalaallit Røde Korsiaata nittartagaani allaaserinninneq nassaarineqarsinnaavoq.

Imm. 2. Angallatinut inuussutissarsiutaasunut minnernut aamma Kalaallit Nunaanni aalisariutitut ilaasut 12-it angullugit ilaasoqartartunut Danmarkimi aamma Kalaalli Nunaata sineriaani angalasunut inuttat pillugit nalunaarut nr. 233, 5. marts 2015-imeersoq, atorunnaarsinneqarpoq.

Søfartsstyrelseni, ulloq xx. xxxx 2025

Martin Hvid John

Malene Loftager Mundt